



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1702. usque ad annum 1708

**Fleury, Claude**

**August. Vind. [u.a.], 1781**

**VD18 13322648**

§. 25. Stephanus Le Camus Cardinalis mortuus.

---

[urn:nbn:de:hbz:466:1-67633](https://nbn-resolving.org/urn:nbn:de:hbz:466:1-67633)

Sæc. XVII. gesimum quintum expleffet, relicta ta-  
 A. C. 1707. men Patria in Poloniam ad Filiam  
 suam Reginam contendit, mortua au-  
 tem uxore Clericali vitæ adscriptus,  
 Sacrisque initiatus, a Galliarum Rege  
 præter annuam pensionem Equestris  
 Ordinis torque donatus est, postea ad  
 Reginæ Filix suæ preces ab Innocen-  
 tio XII. Papa in Purpuratorum Colle-  
 gium cooptatus, post Poloni Regis mor-  
 tem Romam contendit: ubi Sacris co-  
 mitiis, in quibus Clemens XI. in  
 Pontificem electus fuerat, interfuit,  
 ac demum anno ætatis suæ nonagesi-  
 mo octavo die vigesima quarta Martii  
 vivere desiit.

## §. XXV.

*Stephanus Le Camus Cardinalis  
 mortuus.*

*Abregé de  
 l'Hist. Eccé.  
 t. 13. p. 100.  
 Epist. Cle-  
 ment. XI.*

Eadem mortis necessitate vivis ereptus  
 est Stephanus Le Camus natione  
 Gallus, patria Pictaviensis, qui Parisiis  
 in plurium linguarum peritia, aliisque  
 scientiis sacratoribus tam uberes fecit  
 progressus, ut Doctorum honores in  
 Sorbona emereretur, ac Ludovico XII.  
 Galliarum Regi ab Eleemosynis esset.  
 Verum Aulæ illecebris emollitus, tam  
 effrænate turpium voluptatum sordibus  
 ac licentiosæ vitæ delitiis coinquinatus

tus erat, ut Aula & Urbe excedere ju-  
beretur. Hac contumelia veluti experge-  
factus, atque in se reversus cuncta,  
quæ carnem aut sanguinem, mundum  
aut delicias saperent, generoso animo  
abjecit, ac Deo soli per aspera deser-  
vire, mente fixum habuit. Non de-  
erant tamen, quos Stephani pietas  
male habebat; semper enim virtus ut  
meta calumniantium jaculis exposita est:  
ita etiam hi, qui laxioris disciplinæ  
adversos Jansenismi nota aspergere,  
pro illius ævi vitio assueverant, nec  
Stephano perpercerunt, eum tam ac-  
ter infectantes, ut rursus Parisiis exu-  
lare cogeretur: Verum non exulat,  
cui cælum patria est; & non raro po-  
ma in nativo solo succis imbuta vene-  
natis, in alieno, dulcescunt, patriæ  
vitium emendant, & salubrem ex eo  
saporem exsugunt, Stephanus igitur  
in Aquitaniam profugus, ac Contii  
Principis hujus Provinciæ Gubernato-  
ris patrocinio suffultus, Ordinem Car-  
thusianorum ingrediebatur, ubi posito  
rite tyrocinio in terra quidem peregri-  
nus, in cælo tamen veluti civis tanta  
pietatis ac prudentiæ fama inclaruit,  
ut ad Mazarini Cardinalis sollicitatio-  
nem invitus licet, primo Gratianopoli-  
tanus Episcopus, postea ejusdem Urbis  
Princeps, ac demum Delphinatus  
Præ-

Sæc. XVII.

A. C. 1707.

ed. 1707. 1707. 1707.

**Sæc. XVII.** Præses & Sabaudix Decanus renun-  
**A. C. 1707** tiaretur. Nec tamen propterea quicquam a suscepto vitæ rigore remiserat; quippe solis herbis victitans, nudis asseribus cubans, vigiliis, jejuniis, aliisque corporis afflictationibus inconfutatos elatosque juvenilis animi impetus coercebat: Assiduus erat in annuntiando Dei Verbo, unde plures tum gravibus, iisque lethalibus animæ morbis conflictatos pristinx sanitati restituit, erectisque pluribus Scholis & Seminariis Diæcesis suæ Clericos verbis, operibus atque exemplo ad vitæ sanctitatem accendit. Intererat quoque Cleri Gallicani comitiis anno prioris sæculi octogesimo secundo habitis, in quibus contra Regaliarum servitutem acriter declamans, Regis indignationem, individuum imperterriti animi sociam, incurrit, Innocentii autem XI. Papæ gratiam sibi merito conciliavit, hinc nullo sollicitante Romana Purpura ab eodem decorabatur, Ludovico Rege hujus Præsulis inaugurationem tam iniquo animo ferente, ut ejus jussu Estræus Cardinalis reclamare, Regemque nunquam Stephanum pro Cardinale habiturum profiteri, cogeretur: nihilominus sua moderatione, humilitate ac prudentia tantum valuit Stephanus, ut Regi plene reconciliatus, ab eodem Ro-

Sæc. XVII.  
A. C. 1707.

Romam decerneretur, futuræ electionis Pontificiæ negotia unacum Genuensibus Purpuratis procuraturus. Quoniam vero usuris, laxioribus doctrinis, aliisque corruptelis præcipue in Sacramentorum administrationem irrepen- tibus, firmo pectore sese opponeret, rursus ab æmulis suis, tanquam Jansenii, imo & Molinosii Discipulus ac impiæ doctrinæ affecla traducebatur: Romam tamen profectus, coram Alexandro VII. fidei suæ integritatem tam luculenter comprobavit, ut non modo ab eodem Pontifice amplissimis honoraretur favoribus, sed etiam ab Innocentio XI. literas innocentiaæ suæ testes reciperet: Roma dein ad suam Ecclesiam rever- sus, populum Divini Verbi pabulo sæ- pissime refecit, suam Diæcesin ipse quotannis lustravit, cunctaque vigilan- tissimi Pastoris officia strenue adimple- vit. Erat in pauperes, viduas atque pupillos tam profusæ liberalitatis, ut omnes suos proventus in pietatis opera convertens, non raro in compedes æris alieni incideret: ipse etiam totus in orationibus noctes insomnes duxit, ac vitæ austeritatibus tam immote institit, ut Clemens XI. eum, ut in suo rigore modum servaret, hortari coactus, die duodecima Septembris anno hujus sæ- culi secundo has ad eam daret literas:  
„Quod

Sæc. XVII., Quod paterna ac sincera nostra chari-  
 A. C. 1707., tate dictante ad Te in præsens, dilecte  
 „fili noster, perferimus, officium illud,  
 „quemadmodum a corde nostro profi-  
 „ciscitur, ita eo animo a Te exceptum  
 „iri confidimus, quo soles in Nos esse,  
 „hoc est plane nostri Studioso, & pe-  
 „ficiendi ea, quæ in Domino expeti-  
 „mus, intime cupido. Perlatum figu-  
 „dem ad Nos est, Te a nonnullis men-  
 „bus minus commoda uti valetudine,  
 „quod sane permolestè tulimus, &  
 „nihilominus tantum tuæ vitæ ac sa-  
 „lutis contemptum ubique præferre,  
 „ut quæ ipsi salutis confirmandæ, in-  
 „borum præsertim delectu, obesse ma-  
 „xime possent, ea tanquam, quæ ad  
 „promovendam corporis tui afflictio-  
 „nem, quam semper inquiris, com-  
 „cere existimas, a Te quotidiana cos-  
 „suetudine adhibeantur. Etsi autem  
 „ii non sumus, qui voluntariam corpo-  
 „ris propter Deum castigationem, &  
 „indictum ei bellum oppugnare ve-  
 „mus, aut debeamus, præstare tamen  
 „intelligimus refectis viribus cogitare  
 „de induciis, ut acrius aliquando de-  
 „tur insurgere. Collaudato itaque de-  
 „siderio, quo incenderis, cumulanti-  
 „tua apud Deum merita, cum tamen  
 „incolumitatem tuam ad promover-  
 „dam indies magis Divini Nominis

„gloriam fore valde proficuum arbitre- Sæc. XVII.  
 „mur, Te in Domino hortandum esse A. C. 1707.  
 „duximus, ut eum modum in re hujus-  
 „modi serves, quem utriusque Medici  
 „consilio probari dignoveris, atque in  
 „victus, ceterarumque rerum, quæ  
 „humanæ infirmitati necessariæ sunt,  
 „ratione ita temperes, ut si forte gre-  
 „gis Tibi commissi spirituali utilitati  
 „apud inscrutabile Dei judicium expe-  
 „diat, ut onus, quod portas adhuc  
 „perferas, laborem diutius sustinere  
 „paratus sis. Supervacaneum autem  
 „duximus, Tibi, qui sacrarum litera-  
 „rum studia assidua cælestium rerum  
 „meditatione excoluisti, in mentem re-  
 „vocare, præcipuam illam esse inter  
 „ceteras Christianæ perfectionis virtu-  
 „tes, qua pronum in Dei voluntatem  
 „cordis nostri obsequium exhibemus,  
 „nihilque, nisi quæ ei sunt placita, ex-  
 „optamus, nec magis exquirendæ vitæ,  
 „quam appetendæ mortis desiderio in-  
 „tus agimur, sed utriusque decretum  
 „ab eo, in cujus manu repositum est,  
 „humiliter præstolamur. Excitare e-  
 „tiam Te debet commune creditæ Tibi  
 „Ecclesiæ votum, quæ indefinenter &  
 „anxie sospitatem tuam a Deo postulat,  
 „cujus Nos Ecclesiæ sollicitudinem  
 „tecum portantes hæc tibi eo amore  
 „significanda esse duximus, quo Tibi  
*Hist. Eccles. Tom. LXVII.* Rr „Apo-

Sæc. XVII. „Apostolicam benedictionem peraman-  
A. C. 1707. „ter impertimur.„

Tandem vero viribus pene exha-  
 ustus, postquam pauperes omnium sua-  
 rum facultatum hæredes scripserat, &  
 animam meritis plenam ac corporis vi-  
 culis solutam Deo Auctori suo die du-  
 decima Septembris Gratianopoli inter  
 Cleri sui preces, & Christi Cruci afflicti  
 amplexus reddidit, anno ætatis sue  
 septuagesimo quinto. Erexerat hic  
 Cardinalis suo ære Gratianopoli Semi-  
 narium pro Clericis ad S. Ordines de-  
 stinatis, aliud in pago Urbi vicino pro  
 erudiendis juvenibus ad sacram matri-  
 moniam aspirantibus. Insuper typis vul-  
 gavit Cardinalis Carpegnæ edictum  
 contra luxum, & immodestiam mulie-  
 rum, ejusque jussu Genetus Vasione-  
 sis Episcopus *Theologiam moralem Gra-*  
*tianopolitanam* elucubravit, ipse vero  
*pro tuenda Virginitate B. V.* dissertatio-  
 nem, præter plures Epistolas ad Pa-  
 rochos circa modum agendi cum hæ-  
 reticis, epistolam Pastoralem de Jubili-  
 læo, & collectionem decretorum Syn-  
 nodalium edidit.